

Fundargerð Delta deildar DKG 19.2.2025

Fundurinn var haldinn á veitingahúsinu “Hjá Jóni” við Austurvöll og hófst kl. 18:30.

Theodóra Þorsteinsdóttir formaður setti fundinn og Sigrún Jóhannesdóttir kveikti á kertum.

Síðan var hefðbundið nafnakall og kveðjur. Mjög góð mæting var á fundinn en níu félagskonur komust þó ekki af ýmsum ástæðum.

Ekki var þörf á að lesa fundargerð síðasta fundar þar sem hún er komin á vefinn.

Jóhanna Karlsdóttir flutti Orð til umhugsunar. Hún nefndi orð sín Traust og tækifæri og fjallaði þar um eigin reynslu og áhrifavalda í lífinu. Hún fékk sem lítið barn strax tækifæri og traust til að sauma og þrjóna og aðgang að ýmsu efni til handmennta þrátt fyrir mjög slæma sjón og að nota saumavél. Eftir að formlegt skólanám hófst 9 ára kenndi heimanámið henni mikilvægi þess að skipuleggja vinnu. Jóhanna nefndi síðar nokkra þá sem urðu áhrifavaldar í hennar lífi, s.s. Sigríði Kolbeins prestsfrú sem kenndi söng og á orgel, Helgu Jóhannesdóttur sem kenndi handavinnu og var með mjög fjölbreytt verkefni, Steinunn Ingimundardóttur sem var með námskeið fyrir húsmæður í heimasveit Jóhönnu.

Einnig nefndi Jóhanna nokkrar skólabækur sem höfðu áhrif, m.a. Skólasöngva, landabréfabók sem hún fékk 12 ára og Skólaljóðin með teikningum Halldórs Péturssonar.

Faðir Jóhönnu var mikill bókamaður og fyrstu bókmenntirnar sem höfðu áhrif voru m.a. Dísaljósálfur og Piltur og stúlka.

Jóhanna fór síðan í Reykjaskóla þar sem hún kynntist manni sínum. 1968 flutti hún svo til Reykjavíkur og fór í Kennaraskólann. Áhrifavaldar þar voru meðal annarra Loftur Guttormsson, Indriði Gíslason og Höskuldur Þráinsson.

Einnig Gestur og Rúna og Benedikt Gunnarsson sem voru kennarar í listgreinum.

Þar vaknaði einnig áhugi á réttindum kvenna og bókmenntum tengdum þeim s.s. Svövu Jakobsdóttur og Ástu Sigurðardóttur.

Jóhanna fékk tækifæri til að fara í nám í Danmörku 1988 með áherslu á myndmennt og sköpun og árið 1996 í meistaranám í KHÍ.

Jóhanna lauk orðum sínum með því að segjast þakklát fyrir allt það traust og þau tækifæri sem hún hafði notið í bernsku og menntun. Hún sýndi okkur handþrjónuð og saumuð dúkkuföt og dúka sem hún gerði sem barn.

Næst var komið að bókaumfjöllun í umsjón Halldóru Jónsdóttur. Bækurnar voru að þessu sinni Ferðalok eftir Arnald Indriðason og Í skugga trjána eftir Guðrúnu Evu Mínervudóttur. Skiptar skoðanir fóru um báðar bækurnar en umræður urðu með minna móti vegna umhverfishljóða á staðnum.

Þá var komið að dagskrárliðunum önnur mál.

1. Félagatalið: Búið er að yfirfara það og er komið inn á okkar síðu og alþjóðlegu síðuna. Allar breytingar á félagatali þurfa að berast til Ástu og Theodóru. Ásta lagfærir á vefsvæðinu okkar á dkg.is og Theodóra á alþjóðavefnum dkg.org
2. 50 ára afmælið. Sigrún er í aðalritnefndinni sem vinnur að útgáfu 50 ára sögu DKG á Íslandi og Ásta Egilsdóttir og Jónína Eiríksdóttir eru í ritnefnd fyrir okkar deild. Jónína Erna Arnardóttir og Theodóra eru búnar að semja afar skemmtilegan afmælissöng sem þær sungu fyrir okkur.
3. 8. mars verður fundur með Uglum-Zontaklúbbi Borgarfjarðar í Grundaskóla Akranesi. Þetta verður fjáröflunarfundur með happdrætti. Ágóðinn fer í Menntasjóð mæðrastyrksnefndar. Félagskonur eru beðnar að koma með vinning í happdrættið. Guðlaug Sverrisdóttir og Theodóra sjá um fundinn.
4. 26. apríl koma Epsilon konur og halda sameiginlegan fund með okkur í Borgarnesi.
5. Theodóra hvatti félagskonur til að gefa kost á sér í embætti og mæta á landsambandsþing 10.-11. maí í Kópavogi. Á þinginu verður hátíðardagskrá í Salnum og síðan hátíðarkvöldverður á Grand hótél. Strætóferðir frá Salnum yfir á Grand hótél eru mjög góðar. Aðalfundur verður síðan á sunnudeginum.

Happdrættið var á sínum stað, Sigrún hreppti vinninginn að þessu sinni.

Þá var fundi slitið og hópurinn fór að sjá kabarettinn Dietrich eftir Sigríði Ástu Olgeirsdóttur í Sjálfstæðissalnum.

Mikil hrifning var með sýninguna og var frábær endir á góðum fundi.

Fundarritari: Sigurveig Sigurðardóttir